

M̄weiñan eo an Jibboñ in Jabōt

kweilōk eo eļap

Kōttar Irooj: En Ankilam̄

rijum̄ae

niknik

tōmak

kōjatdikdik

jum̄ae

kijenmej

lōke

kweilōk eo eļap

Kōttar Irooj: En Ankilam̄

Jen Elder Robert D. Hales

Jen Doulul eo an Joñoulruo Rijilōk ro

Kōttōpar eo an mour eo ad ioon laļ in ej ñan rūttoļok, eddōkļok, im kajoorļok ilo men ko jej iooni
kōj make.

Ilo jibboñ in Jabōt in, jej leļok kaṃoolol kōn im kaṃool kōn ṃool eo bwe ad Rilṃṃoṃ ej mour. Kṃjpeļ eo An eaar jepļaaktok kōn Rikanaan Joseph Smith. Bok in Mormon ej ṃool. Jej tōl jān juon rikanaan emour rainin, Būreejtōn Thomas S. Monson. Ilōñ men otemjej, jej kwaļok kaṃool eo epen kōn Pinmuur eo an Jisōs Kraist im kōjeramṃan ko indeeo me rej itok ālkin.

Ilo jet allōñ ko remoot ļok, eaar wōr Aō iien emṃan nān ekkatak im katak eļap ļok kōn eñtaan in pinmuur eo an Rilṃṃoṃ eo im ekōjkan An kar kōpooj E make nān kōmṃane katok indeeo eo nān kōj kajjojo.

Kōppopo eo An eaar ijino ilo mour eo ṃokta ilo An kar kōttar Jemen im kar ba bwe ankilan Jemen ej aikuj dedeļok im aiboojoj eo ej aikuj an Jemen nān ideo.¹ Jino jān iien eo im wōnṃaanļok nān rainin, Eaar kōjberbal anemkwoj eo An nān bōk im kōmṃane karōk eo an Jemedwōj Ilañ. Jeje ko rekwojarjar rej katakin kōj bwe ke Eaar jodikdik, Eaar “pād ilo imōn Jema”² im eaar kōttar iien kwaļok eo an Irooj nān an itok.³ Ke eaar 30, Eaar eñtaan kōn kapo eļlap aaet eaar kālōt nān jumae, ba “Kwōn kabuñ nān Irooj aṃ Anij”.⁴ Ilo Gethsemane, Eaar lōke Jemen, kwaļok “A en jab ankil Aō a Aṃ wōt,”⁵ innām Eaar kōjberbal anemkwoj eo nān eñtaan kōn jerawiwi ko ad. Kōn kajirere eo an ekajet eo im eñtaan eo an debwāal eo, Eaar kōttar Jemen, kōṃaan “kinejnei kōn bōd ko ad ... [im] metak kōn nan ko ad.”⁶ Emṃool ke eaar jañ, “Aō Anij, Aō Anij, etke Kwaar ilok jān Eō?”⁷ Eaar kōttar Jemen—kōjberbal anemkwoj eo An nān jeorļok an rikejedet ro An bōd,⁸ kejparok Jinen,⁹ im niknik nān jemļok in ṃae iien mour eo An im mijen eo An ilo mour in raar dedeļok.¹⁰

Ekkā Aō kōn kejōkļokjeņ, Etke Nejin Anij im rikanaan ro An rekwojarjar im aolep Armej ro Kwojarjar retiljek ewōr mālijoñ ko im jorrāan ko, jekdoṃn nē rej kajieoñ kōmṃan ankilan Jemed Ilañ? Etke ekanooj in pen, eļaptata nān er?

Ij ļōmṃak kōn Joseph Smith, eo eaar eñtaan kōn nañinmej āinwōt juon ļaddik im kakkure ilo aolepen mour eo an. Āinwōt Rilṃṃoṃ, eaar jañ āinwōt kar Rilṃṃoṃ im kar kajjitōk ippān Anij Epād ia.¹¹ Aaet meñe eaar āinwōt make ļok, eaar kōjberbal anemkwoj eo an nān kōttar Irooj im kōmṃane ankilan Jemedwōj Ilañ.

Ij ļōmṃak kōn bainier ro ad, kar kadiwōjļok er jān Nauvoo im kijoon meļaj ko, kōjberbal anemkwōj eo aer nān ļoor juon rikanaan meñe raar eñtaan kōn nañinmej, jeramōl, im emṃool jet mej. Etke raar ioon kain jorrāan eļlap kein? Ta jemļok eo? Ta kōttōpar eo?

Ilo ad kajjitōk kajjitōk kein, jej kile bwe kōttōpar eo an mour eo ad ioon laļ in ej nān rūttoļok, eddōkļok, im kajoorļok ilo men ko jej iooni ad make. Ekōjkan ad kōmṃane menin? Jeje ko rekwojarjar rej letok nān kōj juon uwaak ilo juon naan elemwaan: jej “kattar Irooj.”¹² Idajoñjoñ ko im mālijoñ ko rej litok nān kōñ aolep. Apañ kein an mour rej kōmṃan bwe kōj im Jemedwōj Ilañ

en lo eļāñne jenaaj kōjērbal anemkwoj eo ad nān ļoor Nejin. Emōj An jeļā kadede, im ewōr ad iien eo emņan nān katak, bwe jekdoon ta ewi pen in jekjek ko ad remaroñ in, aolepen eñtaan ko ad renaaj letok ad jeļā im nān emņan eo ad.¹³

Ta meļeļe menin jenaaj iien otemjej meļeļe apañ ko ad? Jenaaj ke aolep, jet iien, wōr un nān kajjitōk, O Anij, ewi kwe¹⁴ Aaet! Nē eo pāleed emej, eo mōttan enaaj ļōmņak, juon jinen ak jemen naaj jañ kōn būromōj. Aaet, “jañ enaaj pād wōt ilo boñ, a lañlōñ enaaj itok nē e jibboñ.”¹⁵ Innām, ilo tab in marok an ļapļok an tōmak im meļeļe eo ad, jenaaj jerkak im kālōt nān kōttar Irooj, ba, “Ankilaam en Kōmņan.”¹⁶

Innām, ta meļeļe in nān kōttar Irooj? Ilo jeje ko rekwojarjar, naan eo *kōttar* meļeļe in nān kōjatdikdik, nān kōtmene, im nān lōke. Nān kōjatdikdik im lōke ilo Irooj ej aikuji tōmak, kōmmaanwa, ettā, meanwōd, kijenmej, kejarok kien ko, im niknik nān jemļok in.

Nān kōttar Irooj meļeļe in katōk ine eo an tōmak im najdiki “kōn niknik eļap, im ... kijejeto.”¹⁷

Ej meļeļe in jar āinwōt an Rilomņor kar—nān Anij, Jemedwōj Ilañ—ba: “En itok Am aelōñ. En kōmņan Ankilam.”¹⁸ Ej jar eo jej kōmņan kōn aolepen ad ilo etan ad Rilomņor, Jisōs Kraist.

Kōttar Irooj meļeļe in kejōkļokjeņ ilo būruwōd im “bōk Jetōb Kwojarjar” bwe jān maroñ jeļā “aolep men ko [jej] aikuji kōmņan.”¹⁹

Ilo ad ļoor imwe ko an Jetōb, jej lo bwe “eñtaan ej kōjērbale kijenmej”²⁰ im jej katak nān wōnmaañļok nān wōr kōmmaanwa māe iien jej weppān.²¹

Kōttar Irooj ej meļeļe in nān “jutak pen”²² im “buñ maañļok” ilo tōmak, “kōn juon kōjatdikdik emeram.”²³

Ej meļeļe in “atartar make ioon emņan ko an Kraist”²⁴ im kōn jouj eo An ejipañ kōj, ba nān Irooj bwe jej kōņaan ankilaan im jab ankilaad.²⁵

Ilo ad kōttar Irooj, jej “dim im jamin makūtūt ilo kōjparok kien ko,”²⁶ jeļā bwe jenaaj “juon raan kakkije jān aolep [ad] eñtaan ko.”²⁷

Im jej “jab joļok . . . [ad] peran”²⁸ bwe aolep men ko me kaeñtaanan ko kar ippād naaj jērbal ippān doon nān emņan eo ad.²⁹

Kaeñtaanan kein renaaj itok ilo elōñ okoktak in apañ ko. Jeļā eo an Job ej kakememej kōj ta eo jemaroñ ɳa etan niknik. Eaar jako aolep men ko m̄weien Job, āne eo ānāān, m̄weo im̄ōn, im menin mour ko nejin; ro uwaan baam̄le eo an; etan; ājmour eo an; im em̄ool em̄man eo an kōn l̄ōm̄nak. Aaet eaar kōttar Irooj im kwaļok naan in kaᄃool eo an ekajoor. Eaar ba:

“A kōn n̄a, I jeļā bwe aō ri L̄om̄q̄or ej mour wōt, im ilo iien eo āliktata Enaaj jutak ioon laļ in;

“Im ālkin ... jako kilō, ilo ānbwinnō in wōt inaaļ lo Anij.”³⁰

“Meñe e maroñman eō, inaaļ kōjatdikdik wōt kōn E.”³¹

Em̄ool kōn waanjoñak ko remejaja an Job, rikanaan ro, im Ril̄om̄q̄or eo, jenaaj lo wōt an apañ n̄an kōttar Irooj, eļaptata ñe jejjab lukkuun meļeļe karōk im kōttōpar eo An n̄an kōj. Meļeļe jab in ej ekkā wōt an letok “lain im bar lain [im] naan in kaiñi im bar naan in kaiñi”³²

Ilo mour e aō Iaar katak bwe jet iien Ijjab bōk juon uwaak n̄an juon jar kōnke Irooj ejeļā Ijjab pojak. Ñe Ej uwaak, emakijkij an “ijin jidik im ijuweo jidik”³³ kōnke ej aolepen men eo Imaroñ bōke ak aolepen men eo Im̄ōñōñō in kōm̄mane.

Emakijkij ad jar n̄an wōr kijenmej, bōtaab jej kōᄃaan ilo iien eo wōt! Āinwōt juon likao, Būreejtōn David O. McKay eaar jar kōn juon kaᄃool an tallep in m̄ool eo an k̄jpeļ eo. Elōñ iiō ko tok ālik, ke eaar jerbale mijen eo an ilo Scotland, āliktata kaᄃool eo eaar waļok. Tok ālik eaar je, “Eaar juon m̄ool n̄an n̄a bwe m̄ool in jar ej uwaak ‘jet iien, juon jikin.’”³⁴

Jemaroñ jab jeļā n̄aat ak ekōjkan an uwaak ko an Irooj naaj litok, bōtaab ilo iien eo An im wāween eo An, Ij kaᄃool, uwaak ko An renaaj itok. Ñan jet uwaak jemaroñ aikuj in kōttar m̄ae iien tokālik. Menin emaroñ m̄ool n̄an jet kalim̄mur ko ilo kōjeram̄man ko an patriak ko ad im n̄an jet kōjeram̄man kar liļok n̄an ro uwaan baam̄le eo. Jān jab ebbwer jān Irooj. Kōjeram̄man ko An rej indeeo, ejjab n̄an jidik iien.

Kōttar Irooj ej letok juon iien eo ekanooj in em̄man n̄an lo bwe elōñ ro rej kōttar kōj. Ajri ro nejid rej kōttar kōj n̄an kwaļok kijenmej, iakwe, im meļeļe n̄an er. Ro jemed im jined rej kōttar kōj n̄an kwaļok kaᄃoolol im tenkwadik. Ro jeid im jatin rej kōttar kōj n̄an kwaļok meļeļe, meanwōd, im jeorļok bōd. Ro rippād rej kōttar kōj n̄an iakwe er āinwōt an Ril̄om̄q̄or eo kar iakwe kōj kajjojo.

Ilo ad dipuk eñtaan an kanniōk, ej ļapļok ad jeļā kōn jete rej kōttar doon. Nān aolep Mary im Marthas ro, nān aolep RiSamaria eo eņņan eo eaar lale rinañinmej eo, jipaņ rimōjņo, im kejarok ro renañinmej ilo kōmālij im ānbwiin, Ij eņjake kaņoolol eo an Jemedwōj Ilañ eo ej iakwe im Nejin Jitōnbōro. Ilo kwaļok eo ami raan otemej āinwōt eo an Kraist, komij kōttar Irooj im kōmņan ankilaan Jememwōj Ilañ. An in naan nān kom ealikka: “Ilo ami kōmņan jabdewōt nān juon iaan rein ro jatū ediktata, kom ar kōmņane nān Eō.”³⁵ E ejeļā karmeje ko im būromōj ko ami. Ej roņ jar ko ami. An aenōmņan im kakkije naaj ami ilo ami wōnņaanļok nān kōttar E ilo tōmak.

Kajjojo iaad wōj eļap ļok an jitōnbōro nān Irooj jān joñan ad maroņ meļe ak ļōmņake. Kōn menin jān ļapļok ad jouj nān doon im ļapļok ad jouj nān kōj make. Jān kememej bwe ilo ad kōttar E, jej erom “ri kwojarjar [ro] kōn pinmuur eo [An], ... ettā, inemņan, ettā bōro, kemmaanwa, obrak kōn iakwe, mōņōņō in ajeļok e nān aolep men ko Irooj ej lo ekkar nān kaddoik ņa [iood], eņool āinwōt juon ajri ej ajeļok e nān jemān.”³⁶

Eñin ej kain ajeļok eo an ad Rilomōor nān Jemen ilo Jikin Kallib Gethsemane. Eaar jabanejej nān rikaļoor ro An, “Ekkōl ippa,” aet jilu kōttan Eaar bar rool nān ippāer lo bwe raar kiki.³⁷ Kōn ejjeļok jemjerā eo an rikaļoor rein im eļap tata an jako Jemen, Rilomōor eo eaar kālōt nān eñtaan kōn “metak ko im kaeñtanaan ko im kapo ko otemjeļok.”³⁸ Kōn juon enjeļ kar jilkinļok nān kōkajoor E,³⁹ Eaar idaak jān kap meo eo.⁴⁰ Eaar kōttar an Jemen ba, “En ankil Am,”⁴¹ im ilo ettā Eaar kakūrmool mijen eo kōn e make.⁴² Kiiō, āinwōt juon iaan Jōñoulruo Rijilok ro An ilo raan kein āliktata, Ij jar bwe naaj kōkajoor kōj nān ekkōl Ippān im kōttar E ilo aolepen raan ko ad.

Ilo jibboñ in Jabōt in, Ij kwaļok aō kaņoolol bwe iien apañ eppen eo aō⁴³ im ko ami, jejjab make ļok. Eo ej mije *kōj* “E jāmin mejki ak kiki.”⁴⁴ Enjeļ ro An ijin im iturājet in rōñōl eo rej jepoolē kōj nān kotak kōj.⁴⁵ Ij kwaļok kaņool in aō eaorok bwe kalimņur eo an ad Rilomōor ej mool, bwe ej ba, “A ro rej kattare Jeova renaaj kōkāal aer kajoor; renaaj jepeļālōñļok kōn peir āinwōt igōl ko; renaaj ettōr im jab mōk; renaaj etetal im jab parok.”⁴⁶ Kōmņan bwe jān kōttar E kōn buñ ņaan ļok ilo tōmak, bwe jān maroņ ba ilo jar ko ad, “En ankil Am,”⁴⁷ im bar rool nān Ippān kōn utiej. Ilo āt eo ekwojarjar etan ad Rilomōor im Ripinmuur, eņool Jisōs Kraist, amen.

Kakememej ko

1.

Lale Moses 4:2.

2.

Luk 2:49.

3.

Joseph Smith Translation, Matthew 3:24, in Bible appendix.

4.

Luk 4:8.

5.

Luk 22:42.

6.

Aiseia 53:5; Mosaia 14:5.

7.

Matu 27:46; Mark 15:34.

8.

Lale Luk 23:34.

9.

Lale Jon 19:27.

10.

Lale Jon 19:30.

11.

Lale Doctrine and Covenants 121:1.

12.

Sam ko 37:9; 123:2; Aiseia 8:17; 40:31; 2 Nipai 18:7.

13.

Lale Doctrine and Covenants 122:7.

14.

Lale Doctrine and Covenants 122:1.

15.

Sam ko 30:5.

16.

Matu 6:10; 3 Nipai 13:10; lale bar Matu 26:39.

17.

Alma 32:41.

18.

Matu 6:10; Luk 11:2.

19.

2 Nipai 32:5.

20.

Rom 5:3.

21.

Lale Doctrine and Covenants 67:13.

22.

Alma 45:17.

23.

2 Nipai 31:20.

24.

Moronai 6:4.

25.

Lale Doctrine and Covenants 109:44.

26.

Alma 1:25.

27.

Alma 34:41.

28.

Hibru 10:35.

29.

Lale Doctrine and Covenants 98:3.

30.

Job 19:25–26.

31.

Job 13:15.

32.

2 Nipai 28:30.

33.

2 Nipai 28:30.

34.

Teachings of Presidents of the Church: David O. McKay (2003), xviii.

35.

Matu 25:40.

36.

Mosaia 3:19.

37.

Matu 26: 38; barāinwōt lale eoon 39–45.

38.

Alma 7:11.

39.

Lale Luk 22:43.

40.

“In Memory of the Crucified,” Al, nō. 190; bar lale 3 Nipai 11:11; Doctrine and Covenants 19:18–19.

41.

Matu 26:42.

42.

Lale Doctrine and Covenants 76:107; 88:106; 133:50.

43.

“Where Can I Turn for Peace?” Al, nō. 129.

44.

Sam ko 121:4.

45.

Lale Doctrine and Covenants 84:88.

46.

Aiseia 40:31.

47.

Matu 26:42.